

INUIT ATAQATIGIIT

INATSISARTUNI



UPA 2014/132.2

13. maj 2014

Naaja H. Nathanielsen

Uunga siunnersuut: Aatsitassat pillugit ingerlatallu tamatumunnga pingaarutillit pillugit Inatsisartut inatsisaat nr. 7, 7. december 2009-meersup allanngortinnissaa pillugu Inatsisartut inatsisaat nr. xx, xx. xxxx-imeersoq (aatsitassanut inatsit)
(Inuussutissarsiornermut Aatsitassaqarnermullu Naalakkersuisoq)

Inuit Ataqatigiit pitsaasutut isigaat aatsitassat pillugit inatsisip innuttaasut peqata-tinnissaannut tunngatillugu erseqinnerulernissaa. Aatsitassanut Ataatsimiititaliap allannguutissatut siunnersuutai pingasut aamma nuannaarutigivagut.

Aatsitassanut Ataatsimiititaliap siunnersuutigaa atortussat tamarmik tusarniaanermi saq-qummiunneqartassasut, Naalakkersuisut kissaatigisaattut atortussat immikkut toqqakkat kisiisa pinnagit.

Aatsitassanut Ataatsimiititaliap aamma siunnersuutigaa piffissaq tusarniaaffiusoq sivitsor-neqassasoq, tusarniaanissaq pitsaasumik aaqqissuunneqarsinnaanngippat. Allannguutissatut siunnersuut taanna aammattaaq taperserparput.

Allannguutissatut siunnersuut kingulleq nuannarilluinnarparput. Naalakkersuisut peqqune-qassapput aningaasaateqarfimmik pilersitseqqullugit, aatsitassarsiornermi suliniutit pillugit tusarniaanermi akissutit suliarinissaannut atugassanik innuttaasut kattuffiillu attu-pinneqartut qinnuteqarfigisinnaasaannik. Aningaasaateqarfiliornissamik isuma Inuit Ataqatigiit aningaasanut inatsisissap isumaqatigiissutiginiarnerani saqqummiuppaat, piviusun-gortinnissaalu nuannaarutigaarput.

Tamaanga killilluta isumaqatigiippugut.

Ugguaarput Naalakkersuisooqatigiit tusarniaanermut piffissaliussaq sapaatip-akunnerinit 8-niit 10-nut sivitsorumangimmassuk. Qinigaaffimmi kingullermi Siumup sapaatip-akunnerini 8-ni tusarniaasaneq assut naammagittaalliutigingaluarpa. Maannali tunnga-vilersuutigineqarpoq piffissaq tusarniaaffik sapaatip-akunnerinik 2-nik sivitsorneqarpat aningaasaliisussat piumajunnaarnissaat. Tamanna uagutsinnut paasiuminaappoq.

Inatsisartuni inatsisissatut siunnersuutit suliarigaangatsigit atuarsinnaajuartarparput tusar-naaffigineqartut tusarniaanermut piffissaliussap sivikippallaarnera, tusarniaanerillu allaffiit sulisukinnerisa nalaanni pisarnerat naammagittaalliutigigaat, soorlu juullikkunni aasak-kulluunniit.

Assersuutigalugu maannakkorpiaq Naalakkersuisut suliniutit angisuut pillugit inatsisissatut siunnersuut tusarniaassutigaat. Tusarniaanermut piffissaliunneqarpoq sapaatip-akunnera ataaseq! Tusarniaanermut piffissaliussaq taama sivikitsigitillugu qanoq ililluta pimoorullugu suliarineqarnissaa ilimagisinnaavarput? Taamaammat Naalakkersuisooqatigiit qinnuigaavut piffissap tusarniaaffiup sivitsornissaanut akerliunertik eqqarsaatigeqqeqqullugu, inatsi-sissatullu siunnersuut pingajussaaniinnginnerani Aatsitassanut Ataatsimiititaliamut ingerla-teqqeqqullugu.